



MEMORIA 2020KO EKITALDIA

1. oharra.- Erakundearen antolaketa eta jarduera.

a) Erakundea sortzeko eta arautzeko arauak

Apirilaren 2ko 7/1985 Legeak, toki araubidearen oinarriak arautzen dituenak, ezartzen du foru aldundiaren eskumena dela 20.000 biztanle baino gutxiagoko udalerriei (Gasteiz izan ezik beste guztiei) suteen prebentziorako eta suteak itzaltzeko zerbitzua ematea. Zehazki, 2013ko abenduaren 31tik aurrera, aldundiek bere gain hartu behar dute zerbitzu ematea, aipatutako udalerriek zerbitzu hori ematen ez badute, eta ordutik aurrera berariaz izango da foru aldundiaren berezko beste eskumen bat, eta, beraz, eska daitekeena.

Bestalde, Larrialdiak Kudeatzeko apirilaren 3ko 1/96 Legeak lurralde historikoei esleitu zien prebentzio, su itzaltze eta salbamendu zerbitzua sortu, antolatu eta mantentzeko eginkizuna. Esleipen horri eusten dio Larrialdiak Kudeatzeko Legearen oraingo testu bateginak, zeina martxoaren 28ko 1/2017 Legegintzako Dekretuaren bidez onetsi baitzen.

Foru ordenamenduak eskaintzen zituen aukeren artean, erabaki zen erakunde autonomo bat sortzea Araban prebentzio, su itzaltze eta salbamendu zerbitzua zuzenean emateko; izan ere, azkeneko egin zen 1992az geroztik zerbitzu hori Aiarako Kuadrillaren lurraldean ematen zuen Aiarako Prebentzio, Su Itzaltze eta Salbamendu Zerbitzurako Partzuergoa (PSISZ).

Eta, horretarako, Arabako Batzar Nagusiek, 2016ko uztailaren 13an egindako osoko bilkuran, uztailaren 13ko 8/2016 Foru Araua onetsi zuten, ARABAKO FORU SUHILTZAILEAK – BOMBEROS FORALES DE ÁLAVA erakunde autonomoa (Prebentzio, Su Itzaltze eta Salbamendu Zerbitzua) eratu zuena.

Erakundearen Administrazio Kontseiluak 2016ko uztailaren 28an egindako bilkuran, erabaki zen haren jardueraren hasiera data 2016ko urriaren 1a izango zela.

Sektore Publikoaren Araubide Juridikoaren urriaren 1eko 40/2015 Legeak 127. artikuluan dio partzuergoan bildutako entitateek erabaki ahal izango dutela, estatutuetan ezartzen den gehiengoarekin edo, estatutuetan ezarri ezean, aho batez, aktibo eta pasibo guztiak lagatzea juridikoki egokia den sektore publikoko beste entitate bati, jarduerak jarraitzeko eta azkentzen den partzuergoaren helburuak erdiesteko; orobat dio aktibo eta pasibo guztiak lagatzeak berekin ekarriko duela partzuergo lagatzailea likidaziorik gabe azkentzea. Hartan xedatutakoa oinarri hartuz, erakunde autonomo berrian integratu ziren Aiarako PSISZ partzuergo azkenduaren 2016ko urtarrilaren 1etik irailaren 30era arteko eragiketa guztiak, bai eta 2016ko urtarrilaren 1eko hasierako saldoak ere.

Arabako Foru Suhiltzaileak erakunde autonomoa Ekonomia Garapenaren eta Lurralde Orekaren Sailari atxikia dago (egun Lurralde Orekaren Saila, Arabako Foru Aldundiaren 2019-2023 legegintzaldirako sailak zehazten dituen uztailaren 5eko diputatu nagusiaren 324/2019 Foru Dekretuaren arabera), eta hark dauka zerbitzuko plangintza, ikuskapen eta kontrol ahalmena.



- b) Erakundearen jarduera nagusia, haren lege, ekonomia eta finantza eta kontratazio araubidea.

ARABAKO FORU SUHILTZAILEAK-BOMBEROS FORALES DE ÁLAVA foru erakunde autonomoa (Arabako Prebentzio, Su Itzaltze eta Salbamendu Zerbitzua) erakunde publiko bat da, berezko nortasun juridikoa duena, eta bere barne araubidean zein jardueran zuzenbide publikoaren pean dihardu. Erakunde tekniko espezializatu moduan eratua da, prebentzio, su itzaltze eta salbamendu zerbitzu publikoa kudeatzeko eta emateko eta Arabako Lurralde Historikoan babes zibilaren eta larrialdien arretaren arloan parte hartzeko.

Erakunde autonomoak arau hauen pean dihardu: 27/1983 Legea, azaroaren 25ekoa, Euskal Autonomia Erkidegoko erakunde erkideen eta haren lurralde historikoetako foru organoen arteko harremanei buruzkoa, lege horretan foru erakundearen xede den zerbitzu publikorako ezarritako eskumen esparruari dagokionez, eta haren jardun eremuari dagozkion gaiak arautzen dituen berariazko araudi sektoriala.

Haren antolamendua eta funtzionamendua honako hauen pean daude: erakunde autonomoen araubide juridikoa ezartzen duen foru araudia, haren estatutuak eta haiek garatzen dituen arautegia.

Administrazio ahalmenak erabiltzean, dagokion foru araudia ez ezik, Administrazio Publikoen Administrazio Prozedura Erkidearen urriaren 1eko 39/2015 Legea edo hura ordezkatzeko duen araudia ere bete behar du.

Erakunde autonomoaren kudeaketa urteroko aurrekontu araubidearen pean dago, eta Batzar Nagusiek onesten dute aurrekontua. Aurrekontuen egitura (sarreraren eta gastuen sailkapenari, xehetasun mailari eta haien gauzatze eta likidazioari dagokienez) Arabako Lurralde Historikoaren Aurrekontu Araubidea osatzen duten arau eta erregeletara moldatzen da, eta bereziki Jarduera Ekonomiko eta Foru Zerbitzu Publiko Deszentralizatuen Kudeaketaren gaineko urriaren 30eko 15/1987 Foru Arauak eta Arabako Lurralde Historikoko Ekonomia eta Aurrekontu Araubidearen abenduaren 18ko 53/1992 Foru Arauak ezartzen dutenarekin bat etorriz.

Erakunde autonomoaren kontabilitatean, kontu ematean eta kontu hartzean aplikatzen den araubidea, foru aldundiaren kontrol ekonomikorako eta kontabilitaterako araudi bereziak foru erakunde autonomoentzat ezarritakoa da.

Kontratazio araubidea jasota dago Sektore Publikoko Kontratuen azaroaren 8ko 9/2017 Legean, zeinaren bidez Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten baita Espainiako ordenamendu juridikora.

- c) Diru sarreraren iturri nagusien deskribapena

ARABAKO FORU SUHILTZAILEAK – BOMBEROS FORALES DE ÁLAVA erakunde autonomoaren baliabide iturri nagusiak Arabako Foru Aldunditik jasotzen dituen transferentziak dira, bai eta jaso ditzakeen ohiko edo ohiz kanpoko diru sarrerak, besteak beste, honako hauek: erabiltzaileei ematen zaizkien zerbitzuengatik beraiek ordaintzen dituzten tasak eta kuotak, eta beste administrazio batzuek, beren eskumeneko zerbitzuak emateagatik, egindako diru ekarpenak.



d) Erakundearen izaera fiskala.

ARABAKO FORU SUHILTZAILEAK – BOMBEROS FORALES DE ÁLAVA izenarekin foru erakunde autonomo bat eratzen da, izaera juridiko propioa duena, jarduteko eta Arabako Lurralde Historikoaren eremuan prebentzio, su itzaltze eta salbamenduarekin loturiko foru eskumeneko jarduerak kudeatzeko gaitasun osoarekin, gai honetan beste administrazio publiko batzuek dauzkaten eskumenak gorabehera.

e) Antolaketa egitura

ARABAKO FORU SUHILTZAILEAK-BOMBEROS FORALES DE ÁLAVA erakunde autonomoaren zuzendaritza organoak Administrazio Kontseilua eta zuzendaritza-kudeatzailatza dira.

Administrazio Kontseilua erakunde autonomoaren gobernu organoa da, eta berari dagokio haren kudeaketa eta administrazioaren goi zuzendaritza, erakunde autonomoaren jardueraren antolamendu orokorra ezarri; horretarako haren lehentasunak eta zerbitzu publikoak hobetzeko proiektuak onesten ditu eta ezarrita dauzkan egitekoak aztertzen eta ebaluatzen ditu, bai eta behar diren baliabide teknikoak eta giza baliabideak zenbatetsi ere.

Zuzendaritza-kudeatzailatzak erakunde autonomoaren kudeaketa exekutiboaren zuzeneko ardura dauka.

Haren eskudantzia eta eginkizunak, baita Administrazio Kontseiluko lehendakariarenak eta lehendakariordearenak ere, estatuetan ezarrita daude.

g) Zein erakunderen mendekoa den

ARABAKO FORU SUHILTZAILEAK-BOMBEROS FORALES DE ÁLAVA izenpean erakunde autonomoa eratzen da, Ekonomia Garapenaren eta Lurralde Orekaren Sailari atxikia (egun Lurralde Orekaren Saila, Arabako Foru Aldundiaren 2019-2023 legegintzaldirako sailak zehazten dituen uztailaren 5eko diputatu nagusiaren 324/2019 Foru Dekretuaren arabera).

h) Ekitaldiko batez besteko langile kopurua eta abenduaren 31ko langile kopurua.

Ekitaldiko batez besteko langile kopurua 211 langile izan da, eta 2020ko abenduaren 31n langileak 215 ziren (206 gizon eta 9 emakume).

2. oharra.- Urteko kontuak aurkezteko oinarriak.

2.1).- Irudi zehatza

a) Informazioaren betebeharrak:

Ondare kontabilitatean islatutako kontabilitateko jarduketarik gehien jatorria aurrekontuko kontabilitateko eta aurrekontuz kanpoko eragiketarako jarduketetan dago. Horregatik, jarduketa horietan aplikatutako kontabilitateko printzipioak Araba Lurralde Historikoko Ekonomiako eta Aurrekontuko Araubideari buruzko abenduaren 18ko 53/1992 Foru Arauan jasotakoak dira. Printzipio horiek bat datoz zehazki Kontabilitate Publikoaren Plan Orokorrean (75/2012 Foru Dekretua, abenduaren 18koa) ezarritako nahitaezko kontabilitate printzipioekin.



2019ko abenduaren 31n amaitutako ekitaldiaren urteko kontuak Administrazio Kontseiluak onetsi zituen 2020ko ekainaren 30ean. 2020ko ekitaldiari dagozkion urteko kontuak onesteko daude, eta uste da aldaketarik gabe onetsiko direla.

b) Kontabilitate printzipioak:

Urteko kontu hauek egitean memoriako 3. oharrean laburbiltzen diren kontabilitate printzipio eta arauak aplikatu dira. Ondarean, finantza egoeran eta emaitzetan eragina duten nahitaezko kontabilitate printzipio guztiak aplikatu dira urteko kontu hauek egiteko.

2.2) Informazioa alderatzea:

2020ko abenduaren 31n amaitutako urteko ekitaldiaren eta 2019ko ekitaldiaren diru kopuruak aurkezten dira, honako hauen partida bakoitzerako: balantzea, ekonomia eta ondare emaitzen kontua, ondare garbian izandako aldaketen egoera, eskudiru fluxuaren egoera eta memoria.

2.3) Ziurgabetasuna baloratzeko eta zenbatesteko alderdi kritikoak:

Erakundeak etengabeko kudeaketa printzipioari jarraituz egin ditu 2020ko ekitaldiko urteko kontuak, COVID-19aren egungo egoera kontuan harturik, baita hark oro har ekonomian eta bereziki erakundean izan ditzakeen ondorioak ere. Haren jardueran ez dago jarraitasun arriskurik. Pandemiaren eraginez erakundearen jardueran hartu diren neurriak eta izan diren ondorioak, gure ustez, ez dira oso garrantzitsuak izan: langileen osasuna zaintzea, krisian zehar haien gaitasun operatiboa bermatzea eta herritarrak babesteko zeregin berriak bere gain hartzea; adibidez, desinfekzioak egitea lurraldeko hainbat lekutan, COVID-19 birusaren transmisioa eragozteko neurri gisa.

Sortutako gastu gehigarrien zenbatekoa egungo aurrekontuaren barruan sar daiteke; izan ere, norbera babesteko ekipamendu gehienak aurrekontu horretan jasota zeuden. Egindako inbertsioek ez dute diru kopuru esanguratsurik egiten eta ekitaldi honetako partiden kontura hartu dira.

Bestalde, COVID-19aren aurkako borrokan egin diren jarduerak direla eta, langileen gastua ez da nabarmen handitu, bi arrazoiengatik: batetik, iraupen laburreko izendapen gehigarriak egin dira, I. kapituluko soberakinekin finantzatu direnak, eta, bestetik, unean uneko aparteko ordainsariak eman dira, aurrekontuan behar bezala sartutako partidekin finantzatuak, larrialdi egoeraren eta Arabako Lurralde Historikoaren Larrialdi Plana aktibatzearen ondorioz egoerari aurre egiteko egindako gehiegizko ahalegina dela eta.

3. oharra- Aitortzeko eta baloratzeko arauak.

a) Ibilgetu materiala.

Esleitutako ibilgetu materiala kontabilitate balio garbiaren arabera baloratzen da. Erakundeak eskuratutako ibilgetua, hau da, bere aurrekontuaren kargurakoa, aldiz, eskuratze prezioaren edo eraikitze kostuaren arabera baloratzen da.

Ibilgetuko elementuen eskuraketak, 1.000,00 euro baino gutxiagoko zenbatekoa daukatenean, ekonomia eta ondare emaitzen kontura eramaten dira zuzenean.



Eraikinak eraberritzeko gastuak eta higiezinetan egiten diren eragiketa guztiak, mantentze lan hutsen barruan sartzen badira, ekonomia eta ondare emaitzen kontuan kargatzen dira zuzenean (622 "Ibilgetu Materialaren Konponketa eta Kontserbazioa" kontuaren bitartez).

Beste erakunde batzuen jabetza diren eraikinetako edo instalazioetako obren eragiketak zuzenean ekonomia eta ondare emaitzen kontura kargatzen dira.

Inoiz ez dira kapitalizatzen finantza gastuak.

Erakunde autonomoari atxikitako ondasunak, izatekotan, Foru Aldundiak eskualdatzen ditu, jabetza izan ezik haien gaineko eskubide guztiekin batera.

Erakunde autonomoak ondasun horiek kontabilizatzen ditu 21 "Ibilgetze materialak" azpitaldeari dagokion kontuan kargua eginez, eta 1001 "Ondasun eta Eskubideen Ekarpena" kontuan abonua eginez.

Ekitaldi honetan, Foru Aldundiak lagatako ondasun higiezonei dagokienez, eransketak eta bajak hark koordinatuta, bi erakundearen artean eratzitako ondarearen kontua koadratuta mantentzeko irizpidea aplikatu da.

Amortizazio koefizienteak finkatzea Ondarea Kudeatzeko Programan adierazitako balioen arabera egin da. Programa horrek amortizazioaren lanketa modu xehatuan egiten du, sartzen denetik irtetzen den arte.

Hona hemen kudeaketa programa horrek (SAP) kasu bakoitzean aplikatutako amortizazio koefizienteen laburpena, ondasun motaren arabera:

Kontua	Ondasun mota	Azalpena	Bizitza erabilgarria Urteak/hilak
210000	Guztiak	LURRAK ETA ONDASUN NATURALAK	Mugagabea
211000	Guztiak	ERAIKUNTZAK	50/00
216000	Guztiak	ALTZARIAK	08/08
217000	Guztiak	INFORMAZIOA PROZESATZEKO EKIPAMENDUAK	04/00
214000	N06106	BESTELAKO MAKINAK	06/08
214000	N06201	TRESNERIA	05/00
215000	N06812	BESTELAKO INSTALAZIO TEKNIKOAK	04/00
218000	N06501	IBILGAILU ETA FURGONETAK	07/02
218000	N06502	KAMIOIAK	05/00
218000	N06601	IBAI ONTZIAK	07/02

b) Ibilgetu ukiezina

Esleitutako ibilgetu materiala kontabilitate balio garbiaren arabera baloratzen da. Erakundeak eskuratutako ibilgetua, hau da, bere aurrekontuaren kargurakoa, aldiz, eskuratze prezioaren edo eraikitze kostuaren arabera baloratzen da.

Amortizazioa linealki kalkulatu da 4 urteko epean, % 25eko tasaren arabera.



c) Izakinak.

Erregaien, ordezeko piezen, hainbat materialen, bilgarrien eta bulegoko materialen izakinak ez dira kontabilizatu; izan ere, ez da egin horien inbentario fisikorik ekitaldiaren amaieran beren saldoa zuzendu ahal izateko. Gisa honetako ondasunen eskuratzek zuzenean kargatzen dira ekonomia eta ondare emaitzen kontura (628 "Bestelako hornidurak" kontuaren bidez), beste hornikuntza batzuen erosketa gisa kontabilizatu eta 612 kontuaren ("Beste hornikuntza batzuen izakinen aldaketa") bidez ekitaldiaren amaieran erregularizatu beharrean, izan ere, ez dira oso esanguratsuak.

d) Transferentziak eta dirulaguntzak

Gastu arruntak finantzatzeko dirulaguntzak honi egotzi zaizkio: dirulaguntzen bidez finantzatzen diren gastuak zein ekitalditan sortzen diren, horren emaitzari. Ostera, aktiboak eskuratzeko kapital dirulaguntzak ekitaldi bakoitzaren emaitzari egotziko zaizkio, ondasunaren bizitza baliagarriaren proportzioan, elementu horiek amortizatzeko hornidurarako erabili den metodo bera aplikatuz.

e) Hartzekodunak.

Epe luzerako eta laburrerako zorrak beren ordainketa balioaren arabera agertzen dira kontabilizatuta.

f) Diru sarrerak eta gastuak.

Diru sarrerak eta gastuak, beraiek ordezkutzen dituzten ondasun eta zerbitzuen korrante errealearen arabera onartzen dira, betiere zuhurtzia printzipioaren irizpidez.

g) Hornidurak eta kontingentziak

Zordunen saldoak, beharrezkoak diren balorazio zuzenketen balio nominal garbiaren arabera adierazten dira, zuhurtasun irizpideak aplikatuz. Irizpide orokor gisa, itxitako ekitaldietan kobratzeko geratzen diren eta dirulaguntzak edo jasotako transferentziak ez diren diru sarreren % 100 hornitzea erabaki da.

4. oharra- Ibilgetu materiala.

Hona hemen ibilgetu materialaren mugimenduaren xehetasunak, 2020ko ekitaldian:

Ekitaldiko alta gisa, aleko eskuratzeko balioa 1.000,00 euro baino gehiagokoa duten ondasunak soilik izan dira kontuan, foru aldundiak emandako irizpidearen arabera.



KONTUA	Hasierako saldoa	Altak	Bajak	Intsuldaketak	Amaierako saldoa
Lurrak	125.952,08				125.952,08
Eraikuntzak	5.998.242,15				5.998.242,15
Makinak-tresnak	908.709,96	99.645,88			1.008.355,84
Instalazio teknikoak	47.449,71	2.177,40			49.627,11
Altzariak	116.085,47				116.085,47
Informazioa prozesatzeko ek.	54.041,98	5.693,55			59.735,53
Garraio elementuak	3.508.159,56	24.266,33			3.532.425,89
GUZTIRA	10.758.640,91	131.783,16			10.890.424,07

Ibilgetu materiala amortizatu da 453.501,07 euroko zenbatekoaz (815.312,87 euro 2019an), eta 681 "Ibilgetu materiala amortizatzeko zuzkidura" kontuan jaso da.

KONTUA	Hasierako saldoa	Altak	Bajak	Amaierako saldoa
Eraikuntzen amortizazio metatua	358.086,23	138.278,33		496.364,56
Makina-tresnen amortizazio metatua	579.663,76	88.122,52		667.786,28
Inst. teknikoen amort. metatua	16.125,39	7.788,31		23.913,70
Altzarien amortizazio metatua	76.839,29	12.580,56		89.419,85
Informazioa prozesatzeko ekipamenduen amort. metatua	45.229,09	4.631,04		49.860,13
Garraio elementuen amort. metatua	2.736.629,70	202.100,31		2.938.730,01
GUZTIRA	3.812.573,46	453.501,07		4.266.074,53

Ekitaldiaren itxieran erabat amortizatuta eta, horrenbestez, "zero" kontabilitate balioa dutela, agertzen dira honako elementu hauek. Beren eskuratze balioaren eta kontuaren arabera adierazi ditugu:

KONTUA	Elementu kop.	Eskuratze edo harpidetze balioa
Makinak eta tresnak	203	510.366,23
Instalazio teknikoak	5	7.293,15
Altzariak	21	34794,56
Informazioa prozesatzeko ek.	11	41.673,98
Garraio elementuak	72	2.177.215,92
GUZTIRA	312	2.771.343,84



Bestalde, egiaztatu da Arabako Foru Aldundiak erositako ondasun batzuk erabiltzen ari dela erakundea, eta ez zaiela alta eman kontabilitatean, ez delako dagokion atxikipen erabakia hartu. Horien artean, nabarmentzekoa da 626.175,00 euroko altuera ibilgailu bat.

Ondasun horien kontabilitate erregistroa Arabako Foru Aldundiak ondasun horiek erakundeari atxikitzea erabakitzen duen unean egingo da. 2021eko ekitaldian zehar egitea espero da.

5. oharra- Ibilgetu ukiezina.

Hona hemen Ibilgetu ukiezinaren 2020ko mugimenduak eta haien amortizazio metatua, xehetasunez.

Ibilgetu ukiezina amortizatu da, 27.577,11 euroko zenbatekoaz (25.664,95 euro 2019an), eta 680 "Aplikazio informatikoak amortizatze zuzkidura" kontuan jaso da.

KONTUA	Hasierako saldoa	Altak	Bajak	Intsuldaketak	Amaierako saldoa
Aplikazio informatikoak	111.634,36	18.143,95			129.778,31
Bestelako ibilgetu ukiezina	137.751,29				137.751,29
GUZTIRA	249.385,65	18.143,95			267.529,60

KONTUA	Hasierako saldoa	Altak	Bajak	Amaierako saldoa
Informatika aplikazioen amort. metatua Bestelako ibilgetu ukiezinaren amort. metatua	49.053,60	27.577,11		76.630,71
GUZTIRA	49.053,60	27.577,11		76.630,71

Ekitaldiaren itxieran erabat amortizatuta eta, horrenbestez, "zero" kontabilitate balioa dutela, agertzen dira honako elementu hauek. Beren eskuratze balioaren eta kontuaren arabera adierazi ditugu:

KONTUA	Elementu kop.	Eskuratze edo harpidetze balioa
Aplikazio informatikoak	6	16.832,74
GUZTIRA	6	16.832,74

6. oharra- Ondare garbia.

Hona hemen 2020ko ekitaldian ondare garbian izandako mugimenduen xehetasunak:



Ondasun eta eskubideen ekarpena: Arabako Foru Aldundiak eratzikitako ondasun guztiek osatzen dute saldoa.

KONTUA	Hasierako saldoa	Altak	Bajak	Intsuldaketak	Amaierako saldoa
Ondasunen eta eskubideen ekarpena	9.432.659,18	22.000,00			9.454.659,18
Erakunde jabearen/jabeen bestelako ekarpenak	76.899,48				76.899,48
Ondasun eta eskubideen itzulketak	-80.478,11				-80.478,11
Aurreko ekitaldietako emaitza	-1.841.276,52			-799.629,15	-2.640.905,67
Ekitaldiko emaitza	-799.629,15	13.605.707,45	-13.990.007,59	799.629,15	-384.300,14
Ibilg. ez-finantz. dirulag. finantz.	364.844,63	127.927,11		-86.163,12	406.608,62
KONTABILITATE BALIO GARBIA	7.153.019,51	13.755.634,56	-13.990.007,59	-86.163,12	6.832.483,36

7. oharra- Zordunak.

a) Uneko ekitaldiko 430 "Aitortutako Eskubideen Zordunak" kontua.

Ekitaldiaren amaieran erakunde autonomoak duen uneko ekitaldiko zordunen saldoa 487.818,37 euro da (1.353.150,76 euro 2019ko ekitaldiaren amaieran).

b) 431 "Ekitaldi itxietako eskubideak" kontuak daukan uneko ekitaldiko zordunen saldoa 98.660,85 euro da, eta kopuru horretatik 70.000,00 euro Burgosko Diputazio Probintzialari dagozkio. Gainontzekoa beste zordun batzuei dagokie eta bere osoan horniturik dago.

8. oharra- Hartzekodunak.

a) Uneko ekitaldiko 400 "Aitortutako Betebeharren Hartzekodunak" kontua

Ekitaldiaren itxieran ordaintzeko dauden aurrekontuko hartzekodunak daude, 402.694,97 euroko zenbatekoa dutenak (1.147.260,70 euro 2019ko ekitaldiaren itxieran).

b) 47 "Erakunde publiko hartzekodunak" azpitaldea

Hona hemen, xehaturik:



KONTUA	2020KO SALDOA	2019KO SALDOA
475.5 Ogasun publiko hartzekoduna zerga kontzeptuengatik	193.241,59	191.898,50
476.4 Gizarte Segurantzaz	295.220,95	314.047,71
476.3 Elkarkidetza	31.454,92	31.072,78
476.1 Foru Elkarkidegoa	2.113,75	1.875,78
GUZTIRA	522.031,21	538.894,77

9. oharra- Finantza kontuak.

a) 57 "Eskudirua eta aktibo likido baliokideak" azpitaldea

Erakunde autonomoaren diruzaintzaren hasierako saldoa, 2020ko urtarrilaren 1ekoa, 318.825,56 euro da, eta ekitaldiko mugimenduen fluxuak sortutako azken saldoa, berriz, 398.976,18 euro da.

10. oharra- Gordailuan jasotako balioak.

560 "Epe luzean jasotako fidantzak" kontuak betebeharrak bat betetzearen berme gisa jasotako eskudirua islatzen du, haren eraketatik epemuga urte betekoa edo luzeagoa izanik.

Ekitaldiaren amaieran erakunde autonomoak duen uneko ekitaldiko zordunen saldoa 22.543,68 euro da. (19.178,58 euro, 2019ko ekitaldiaren amaieran)

11. oharra- Diru sarrerak eta gastuak.

a) Gizarte kargak

Hona hemen kontzeptu hori dela-eta ekitaldian zehar izandako gastuak, xehaturik:

64. GIZARTE KOTIZAZIOAK	2020ko ek.	2019ko ek.
642.0 Gizarte Segurantzaz	3.326.579,67	3.159.939,47
643.0 Elkarkidetza	104.306,74	96.173,12
649.0 Jarduneko langileen beste gastu sozialak	91.559,72	120.818,33
GUZTIRA	3.522.446,13	3.376.930,92

b) Emandako transferentziak eta dirulaguntzak

Su itzaltze eta salbamendu zerbitzua emateko sinatutako lankidetza hitzarmenengatik udalei eta administrazio orokorreko toki erakundeei egindako transferentziak jasotzen ditu. Hona hemen haren xehetasunak, ekitaldiaren itxieran:



65. TRANSFERENTZIAK ETA DIRULAGUNTZAK	2020ko ek.	2019ko ek.
Gaubeako Udalarekiko hitzarmena	5.710,49	5.322,74
Kanpezuko boluntario taldearekiko hitzarmena	504,23	773,70
GUZTIRA	6.214,72	6.096,44

c) Jasotako Transferentziak eta Dirulaguntzak

Kontu honetan, nagusiki, erakunde autonomoaren aurrekontu defizita berdintzeko Foru Aldunditik jasotako transferentziak jasotzen dira, honela xehaturik:

JASOTAKO TRANSFERENTZIAK	2020ko ek.	2019ko ek.
Arruntak. Arabako Foru Aldundia	13.309.072,70	13.086.078,68
Arruntak. Burgosko Diputazio Probintziala	35.000,00	35.000,00
Kapitala. Arabako Foru Aldundia	286.000,00	281.610,48
GUZTIRA	13.630.072,70	13.402.689,16

Inbertsioak finantzatzeko jasotako kapital dirulaguntzak osorik intsuldatzen dira 130 "Aktibo ez-finantzarioak finantzatzeko dirulaguntzak" kontura. 2020ko ekitaldian mugimendu hauek izan ditu:

130 kontuaren hasierako saldoa	364.844,63
2020an erositako aktibo finkoak	273.561,70
6281 "Material ez-inbentariagarria" kontura intsuldatua	-145.634,59
Ekitaldiko emaitzara intsuldatua Amortizaziorako hornidura	-86.163,12
130 kontuaren amaierako saldoa	406.608,62

d) Foru sozietate publikoekin egindako beste eragiketa komertzial batzuk:

Foru sozietate publikoekin 2020ko eta 2019ko ekitaldietan egindako eragiketa komertzialak jarraian zehazten direnak dira:

SOZIETATEA	GASTUAREN ZENBATEKOA		SALDO HARTZEKODUNA	
	2020	2019	2020	2019
INDESA 2010 SL	28.284,51	28.205,37	2.357,07	2.361,37
ARABAKO KALKULUGUNEA SA	18.646,41	18.000,00	1.513,55	6.000,00
GUZTIRA	46.930,92	46.205,37	3.870,62	8.361,37

12. oharra.- Langileak.

Sektore publikoaren eremuko ordainsarien kontuan presako neurriak onesten dituen urtarilaren 21eko 2/2020 Lege Dekretuaren 3.2 artikuluan ezarritakoaren arabera, erakundeko langileen ordainsariak 2020. urterako % 2,00 handitu dira oro har 2019ko abenduaren 31n indarrean zeudenekin alderatuta, alderatzen diren bi ekitaldietarako homogeneousunez, bai langileen efektiboei, bai haien antzinasunari dagokienez.

Foru Gobernu Kontseiluaren uztailaren 7ko 303/2020 Erabakiaren bidez, Arabako Foru Suhiltzaileak erakunde autonomoan 2020. urterako soldata-igoera % 2 izatea onetsi zen, 2019ko ordainsariekin alderatuta.



13. oharra- Administrazio kontratazioa. Esleitzeko prozedurak.

2020ko ekitaldian, honako administrazio kontratazio hauek egin dira:

- Hotzaren aurkako 210 jakaz hornitzeko kontratua, prozedura ireki bidezkoa, 38.220,00 eurokoa, 3 hilabeteko epean gauzatzekoa.
- Eraikinak garbitzeko kontratua, prozedura ireki bidezkoa, 99.331,32 eurokoa, urtebeteko epean gauzatzekoa.
- Erakundearen instalazioak energia iturri berriztagarrien bidez edo efizientzia handiko kogenerazioaren bidez sortutako energia elektriko hornitzeko esparru akordioan oinarritutako kontratua, 83.402,98 eurokoa, 2 hilabeteko epean gauzatzekoa.
- Askatzeko ekipo elektriko batez hornitzeko kontratua, prozedura ireki bidezkoa, 31.435,80 eurokoa, 3 hilabeteko epean gauzatzekoa.
- Trafiko istripuetan eta baso suteetan erreskateak egiteko arropa tekniko hornitzeko kontratua, prozedura ireki bidezkoa, 93.874,22 eurokoa, 3 hilabeteko epean gauzatzekoa.

14. oharra- Ingurumen informazioa

Ez dago dagozkion aurreikuspenen bidez babestu beharreko ingurumen arloko arrisku edo kosturik. Era berean, ez dago ingurumenaren babesarekin eta hobekuntzarekin lotutako gertakizunik irekita, eta, bestalde, ez dago ingurumenaren arloko etorkizuneko inbertsioetarako konpromisorik, ez eta ingurumenarekin lotutako erantzukizunik eta oraindik jaso gabeko konpentsaziorik ere.

Erakunde autonomoak ez du jaso ingurumen arloko dirulaguntzarik, ez eta ingurumenarekin loturiko jardueren ondoriozko sarrerarik ere.

15. oharra- Obligazioak ordaintzeko epea.

Jarraian zehazten da 2020ko eta 2019ko ekitaldietan ordaintzeko batez besteko aldiari buruzko hiru hilabete behingo informazioa, bai eta erakunde autonomoak bi ekitaldi horietako abenduaren 31n ordaintzeke dituen eragiketei buruzkoa ere, abenduaren 22ko 1040/2017 Errege Dekretuan ezarritako kalkulu irizpideen arabera. Dekretu horren bidez, aldatzen da uztailaren 25eko 635/2014 Errege Dekretua, zeinak garatzen baititu herri administrazioen hornitzaileei ordaintzeko batez besteko aldia kalkulatzeko metodologia eta Aurrekontu Egonkortasunaren eta Finantza Jasangarritasunaren apirilaren 27ko 2/2012 Lege Organikoan aurreikusitako finantzaketa araubideetako baliabideak atxikitze baldintzak eta prozedura.



2020ko ekitaldia:

Aldian egindako ordainketak	Ordaintzeko batez besteko epea (egunak)	Ordaintzeko legezko aldiaren barruan		Ordaintzeko legezko alditik kanpo	
		Ordainketa kop.	Zenbatekoa, guztira	Ordainketa kop.	Zenbatekoa, guztira
1. hiruh.	24,20	108	56.247,09	20	12.697,88
2. hiruh.	29,54	110	90.374,53	50	41.654,05
3. hiruh.	22,86	163	106.658,97	45	36.567,64
4. hiruh.	35,17	205	137.693,02	139	158.455,87
Egiteko eragiketak aldiaren amaieran	Egiteko batez besteko ordainketa aldia (egun)	Ordaintzeko legezko aldiaren barruan		Ordaintzeko legezko alditik kanpo	
		Erag. kop.	Zenbatekoa, guztira	Erag. kop.	Zenbatekoa, guztira
	4,58	56	241.707,20	0	0

2019ko ekitaldia:

Aldian egindako ordainketak	Ordaintzeko batez besteko epea (egunak)	Ordaintzeko legezko aldiaren barruan		Ordaintzeko legezko alditik kanpo	
		Ordainketa kop.	Zenbatekoa, guztira	Ordainketa kop.	Zenbatekoa, guztira
1. hiruh.	22,96	187	108.216,49	19	24.535,91
2. hiruh.	18,16	175	190.749,36	54	35.690,07
3. hiruh.	30,48	146	135.258,75	38	72.558,27
4. hiruh.	28,75	158	109.363,64	83	65.904,19
Egiteko eragiketak aldiaren amaieran	Egiteko batez besteko ordainketa aldia (egun)	Ordaintzeko legezko aldiaren barruan		Ordaintzeko legezko alditik kanpo	
		Erag. kop.	Zenbatekoa, guztira	Erag. kop.	Zenbatekoa, guztira
	9,51	53	388.186,95	0	0



16. oharra- Ondare eta ekonomia emaitza eta aurrekontu egoera bateratzea.

	<u>2020ko ekitaldia</u>
+ Aitortutako eskubide garbi guztiak aurrekontu arruntean	13.656.856,52
- Aitortutako betebeharrak aurrekontu arruntean	13.643.102,69
- Hondakinen eskubideak baliogabetzea	
- Hondakinen biribiltzeen aldea eurotan	
+ Hondakinen betebeharrak baliogabetzea	
- Likidazio kontuaren arabera emaitza	13.753,83
GASTUAK	
+ 6. kapitulua "Inbertsio errealak"	273.561,70
+ 8. kapitulua "CFinantza aktiboak"	20.000,00
+ 9. kapitulua "Finantza pasiboak"	
Aurrekontu gastuak (eragiketa arruntez bestelakoak)	293.561,70
DIRU SARRERAK	
- 6. kapitulua "Inbertsio errealeen besterentzea	
- 7. kapitulua "Kapital transferentziak"	127.927,11
- 8. kapitulua "Finantza aktiboak"	9.385,08
- 9. kapitulua "Finantza pasiboak"	
Aurrekontu sarrerak (eragiketa arruntez bestelakoak)	137.312,19
Aurrekontuz kanpoko gastuak	640.466,60
- Ekitaldiko amortizazioa	481.078,18
- Kaudimengabeziatarako hornidura	13.753,83
- Gastura eramandako inbertsioak, aktibagarritzat ez hartzeagatik	145.634,59
Aurrekontuz kanpoko sarrerak	86.163,12



+	Ibilgetu ez-finantzariako dirulaguntzak, emaitzen kontura eramanak	86.163,12
+	Beste batzuk	
-	Emaitza, kontabilitate orokor publikoaren arabera	-384.300,14



Arabako Foru Suhiltzaileak – Bomberos Forales de Álava erakunde autonomoaren Administrazio Kontseiluko kideek onetsi dituzte erakunde horren 2020ko ekitaldiko urteko kontuak.

LEHENDAKARIA:

IRMA BASTERRA UGARRIZA.

Lurralde Oreekaren Saileko foru diputatua

LEHENDAKARIORDEA:

JESUS M^a GUINEA DIAZ DE OTALORA

Lurralde Oreekaren zuzendaria

KIDEA:

PILAR GARCIA DE SALAZAR OLANO

Arabako lehen diputatu nagusiordea eta
Ekonomia Garapenaren, Berrikuntzaren eta
Demografia Erronkaren Saileko foru diputatua

KIDEA:

ITZIAR GONZALO DE ZUAZO

Ogasun, Finantza eta Aurrekontu Saileko foru
diputatua

KIDEA:

EDUARDO AGUINACO LZ. DE SUSO

Nekazaritza Saileko foru diputatua

KIDEA:

BLANCA DE LA PEÑA BERNAL

Bide Azpiegituren eta Mugikortasunaren
Saileko foru diputatua



IDAZKARIA:

ALBERTO AMENABAR AJURIAGUERRA

Zuzendari-kudeatzailea

KIDEA:

ELENA FERREIRA SEBASTIAN

Diputatu Nagusiaren Kabinetearen eta
Komunikazioaren zuzendaria.